



Sofia Geisler
Inatsisartunut ilaasortaq, Inuit Ataqatigiit

§ 37 naapertorlugu apeqqutip nr. 204/2020-p akineqarnera – Danmarkimi efterskolertut pillugit

Asasara Sofia Geisler,

11-12-2020

Suliatp nr. 2020 - 25399

Allagaat nr. 15497124

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfingissavakka.

Postbos 1029

3900 Nuuk

Oqarasuaat: +299 34

50 00

Email: ikin@nanoq.gl

www.nanoq.gl

1. Naalakkersuisut qinnuigineqarput ilisimatissutigeqqullugu Danmarkimi efterskoleriertuni qassit Nunatsinnut uteqqissimanngimmersut ukiuni 2015/2016, 2016/2017, 2017/2018, 2018/2019, 2019/2020?

Akissut: Namminersorlutik Oqartussat efterskolertunut tapiissutigisartagaat tassaapput atuartup Kalaallit Nunaannit utimullu angalaneri aammalu atuarnerup aallartinneranut naammassineranullu tunngatillugu tapiissutit. Tamatuma kingunerisaanik atuartup angerlarnissaa assersuutigalugu qaammatinik arlalinnik kinguartinneqarsinnaanngilaq, taamaassappat atuartoq siunertaqarani Danmarkimiiginnassammat.

Ukiuni atuarfiusuni 2015/2016-imit 2019/2020-mut atuartut efterskolemi atuarnertik naammassisimallugu tamarmik Danmarkimit nunatsinnut angerlarsimapput. Tassani pineqanngillat atuartut angajoqqaavisut oqartussaassuseqartut meeqqap Danmarkimiiginnarnissaanik aalajangersimasut.

2. Nunatsinnut uteqqinnginnermi suut patsisigineqartarnersut Naalakkersuisut paasissutigisinnaavaat?

Akissut: Atuartut Danmarkimiiginnartarnerinut patsisaasinnaasut arlaqarput, taamatullu pisqartussaatillugu angajoqqaatut oqartussaassuseqartut efterskoleriusup eqqaani Kalaallit Illuutaanni ilinniartitaanermi aqqutissiuusunut tamanna pillugu nalunaaruteqartartussaapput. Patsisaasinnaasut ilaatigut tassaapput:

- Atuartoq Danmarkimi soorlu ilinniarneretuunngorniarfinni inuussutissarsiutitigulluunniit ilinniarfinni ilinniakkaminik nangitsisussaatillugu.
- Atuartoq efterskolimi naammassinnissimasoq angajoqqaavimmini Danmarkimi najugaqartuni najugaqassaaq.
- Atuartup angajoqqaavii akiliunneqarlutik sulinngiffeqarsimattillugit taamaasillutilu atuartup angerlarnissaa namminneq isumagisinnaasarlugu.

3. Naalakkersuisut uppermarsarsinnaavaat efterskoleriarsimasut 18-it inorlugit ukiullit efterskolemiillu atuarunnaarsimasut ilaqarmata Danmarkimi angerlarsimaffeqanngitsunut ilaalersimasunik?

Akissut: Atuartut 18-it inorlugit ukiullit efterskolemiillu atuarunnaarsimasut Danmarkimilu angerlarsimaffeqanngitsunut ilaalersoqarsimanera Ilanniartitaanermut Aqutsisoqarfiup efterskolit pillugit aqutsisoqarfianit ilisimasaqarfingineqanngilaq.

§ 37 naapertorlugu apeqqutip uuma akineqarnissaanut atatillugu Kalaallit Illuutaanni ilinniartitaanermi aqqutissiuvisut attavigineqarsimapput. Atuartut 18-it inorlugit ukiullit efterskolemiillu atuarunnaarsimasut tamatumalu kingorna Danmarkimilu angerlarsimaffeqanngitsunut ilaalersoqarsimanera kalaallit illuutaasa arlaannaataluunniit ilisimasaqarfinginngilaq.

4. Taamaassimappat, Nunatsinniit efterskoleriat 18-it inorlugit ukiullit efterskolernerminniit taamaatiinnartut angerlanngitsulluunniit ukiut qassit Danmarkimi angerlarsimaffeqanngitsutut inuulertartut qassiuppat?

Akissut: Apeqqut 3-mut akissut takujuk.

5. Nunatsinniit efterskoleriat 18-it inorlugit ukiullit Danmarkimi angerlarsimaffeqanngitsunut ilaalerqartarsimappata Naalakkersuisoqarfiit aqqutigalugit attavigineqarpat, taamaattoqarpallu qanoq attavigineqarpat?

Akissut: Efterskolemi atuartunik 18-it inorlugit ukiulinnik Danmarkimi angerlarsimaffeqarunnaarsimasunik Qitiusumik allaffeqarfik ilisimasaqanngilaq.

Atuartunut Danmarkimi efterskolernissaminnut tapiiffingineqarsimasunut taakkulu angajoqqaavinut oqartussaassusilinnut attaveqartarneq Ilanniartitaanermut Aqutsisoqarfiup efterskolit pillugit aqutsisoqarfia Danmarkimilu Kalaallit Illuutaasa suleqatigiinnerisigut isumagineqartarpooq.

6. Paasissutissanik pisamut tunngassutilinnik allanik Naalakkersuisut peqarpat?

Akissut: Efterskolemi atuartunik 18-it inorlugit ukiulinnik Danmarkimi angerlarsimaffeqarunnaarsimasunik efterskolit pillugit aqutsisoqarfik Danmarkimilu Kalaallit Illuutaat ilisimasaqanngikkaluartut taamatut pisoqaratarsimasinnaanera mattunneqarsinnaanngilaq.

Kalaallit Danmarkimi efterskoleni atuartut sisamanngorlugit immikkoortiterneqarsinnaapput:

- Atuartut Danmarkimi efterskolernissaminnut Namminersorlutik Oqartussanit taperneqarsimasut.
- Atuartut Danmarkimi efterskolernissaminnut angajoqqaaminnit akiliunneqarlutillu aaqqissunneqarsimasut. Atuartut tamakku Ilanniartitaanermut Aqutsisoqarfiup efterskolit pillugit allaffianit nalunaarsorneqarneq ajorput "nammineq aaqqissuisimasutut" isigineqarmata.
- Atuartut angerlarsimaffiup avataanut inissiinermut atatillugu efterskolernissaminnut kommunigisaminnit akiliunneqarlutillu aaqqissunneqarsimasut. Atuartut tamakku Ilanniartitaanermut Aqutsisoqarfiup efterskolit pillugit aqutsisoqarfianit nalunaarsorneqarneq ajorput
- Atuartut angajoqqaatik ilagalugit Danmarkimi najugaqartut.

Atuartunut Danmarkimi efterskolernissaminnut Namminersorlutik Oqartussanit tapiiffingineqarsimasunut takkulu angajoqqaavinut oqartussaassusilinnut suliassat kisiisa

Ilinniartitaanermut Aqutsisoqarfiup efterskolit pillugit aqutsisoqarfiata isumagisarpai, taakkulu Danmarkimi efterskolini atuartut amerlanersaraat.

Danmarkimi Kalaallit Illuini ilinniartunut siunnersortit atuartunut Danmarkimi efterskolernissaminnut tapiiffigineqarsimasunut takkulu angajoqqaavinut oqartussaassusilinnut kiisalu "nammineq aaqqissuussisimasunut" suliassat isumagisarpaat.

Atuartunut Danmarkimi efterskolernissaminnut Namminersorlutik Oqartussanit tapiiffigineqarsimasunut tunngatillugu atuartut efterskolereerlutik angerlarnissaasa aaqqissuunnissaat angajoqqaat oqartussaassusillit akisussaaffigaat. Tamakku efterskolerfiusup eqqaani Kalaallit Illuutaat aammalu/immaqalu efterskolit pillugit allaffik suleqatigalugit suliarineqartarput.

Inussiarnersumik inuulluaqqusilluta

Katti Frederiksen